



SCHWEIZER HEIMATSCHUTZ
PATRIMOINE SUISSE
HEIMATSCHUTZ SVIZZERA
PROTECZIUN DA LA PATRIA

Communicaziun a las medias

In Premi Wakker singular en l'Onn dal patrimoni cultural 2018

Il Premi Wakker 2018 va a la «Nova Fundaziun Origen» a Riom (GR)

Turigt/Riom, ils 9 da schaner 2018

Villa Patumbah
Zollikerstrasse 128
8008 Zürich

T 044 254 57 00
F 044 252 28 70

www.heimatschutz.ch
www.patrimoinessuisse.ch
info@heimatschutz.ch
info@patrimoinessuisse.ch

PC 80-2202-7

PREMI WAKKER 2018

NOVA FUNDAZIUN ORIGEN PROTECZIUN DA LA PATRIA

La Protecziun da la patria undrescha l'Onn dal patrimoni cultural 2018 la Nova Fundaziun Origen a Riom GR cun il Premi Wakker 2018. La fundaziun e ses festival cultural Origen dattan novas perspectivias al patrimoni architectonic ed uschia ad in entir vitg. La basa è il patrimoni cultural local che ha grazia ad Origen in'influenza che surpasa ils cunfins regionalis.

Il Premi Wakker da la Protecziun da la patria vegn surdà dapi il 1972 mintg'onn ad ina vischnanca. Sco excepziun speziala na survegn l'Onn dal patrimoni cultural 2018 nagina vischnanca, mabain per l'emprima giada in'organisaziun da la societad civila il premi desiderà.

La Nova Fundaziun Origen fundada il 2006 e ses festival cultural Origen han lur center a Riom, in vitg da muntogna en il Surses. Sco blers vitgs en las regiuns perifericas da la Svizra è era Riom confruntà cun la midada da structura, la depopulaziun e consequentamain cun blers edifizis nunutilisads. La dumonda dal diever ulteriur da la substantza architectonica n'è betg mo a Riom daventada ina sfida decisiva per il svilup local.

Sviluppar da l'agen patrimoni cultural in avegnir

Ils edifizis vids custavels en il vitg ha la fundaziun vesì sco schanza per l'avegnir. Empè da planisar in nov tempel cultural per ses festival da success ha la fundaziun decidì da tgirar il patrimoni architectonic sco caracteristica particulara e da l'utilisar plain respect per novas represchentaziuns.

Origen utilisescha il patrimoni architectonic a Riom sco fund da resonanza e sco lieu d'acziun e da produciun per s'occupar artisticamain cun il grond stgazi da chanzuns e d'istorgias da la regiun. La fundaziun na chapescha il vitg muntagnard betg mo sco culissa per ses festival, mabain ha en mira l'activaziun intenziunada da las resursas existentas en il lieu.

Novas perspectivias per il turissem en il territori muntagnard

Partind da l'agen patrimoni cultural èsi reussì ad Origen da sviluppar in'attracziun che tanscha lunsch sur ils cunfins da l'atgna vallada ora. Tge che vegn produci a Riom resuna en l'entir chantun, en l'entira Svizra e schizunt a l'exteriur. L'engaschament da la fundaziun è exemplaric per ils potenzials economics dasper il turissem da massa che spetgan en il territori da muntogna da vegnir activads.

Dar nova vita al patrimoni architectonic

Da bell'entschatta tschertga Origen vias da render utilisabel tant a moda pragmatica sco era cun responsabladad il patrimoni architectonic per ses intents. Il chastè da Riom cun muntada simbolica, ma dapi decennis nunutilisà, daventa lieu da represchentaziun independent da l'aura. Per pussibilitar in manaschi durant tut l'onn dat la fundaziun nova vita al bain da la famiglia-pastiziera Carisch che na vegn dapi daditg betg pli duvrà: il clavà daventa lieu da represchentaziun e la villa Carisch foyer e lieu da barat. La chasa da scola serrada serva sco local d'emprova e biro da produenziun. Ulteriurs pass preparads ditg ordavant vegnan a suandar.

En l'aggiunta chattais Vus per infurmaziuns supplementaras il prospect dal Premi Wakker da quest onn sco PDF.

Ina publicaziun pratica e cun blers maletgs davart il Premi Wakker da quest onn cun contribuziuns en rumantsch, tudestg e franzos (52 paginas) porscha ulteriura savida fundada.

La surdada dal premi uffiziala ha lieu ils 18 d'avust 2018 en il rom d'ina festa publica.

Persunas da contact per dumondas:

Adrian Schmid, manader da fatschenta Protecziun da la patria, tel. 076 342 39 51

Giovanni Netzer, intendant Origen Festival Cultural, tel. 079 449 89 09 u 081 637 16 81

Sabrina Németh, manadra da project Premi Wakker da la Protecziun da la patria, tel. 044 254 57 05, sabrina.nemeth@heimatschutz.ch

Il text da pressa ed ina selecziun da maletgs en qualidad da stampa pon ins telechargiar sin www.heimatschutz.ch/medien. Ulteriuras fotografias vegnan messas a disposiziun da Keystone sin www.keystone.ch.

Il Premi Wakker da la Protecziun da la patria

La Protecziun da la patria surdat dapi il 1972 mintg'onn ad ina vischnanca politica u en cas excepziunals ad organisaziuns u uniuns il Premi Wakker. Cun CHF 20'000 ha la summa dal premi in character plitost simbolic; la valur dal premi da mussa plitost en la renconuschientscha publica d'ina prestaziun exemplarica.

Il Premi Wakker è per l'emprima giada vegnì surdà il 1972 grazia ad in'ierta dal commerziant da Genevra Henri-Louis Wakker a la Protecziun da la patria. Dapi lura èn entrads ulteriurs legats che pussibiliteschan a la Protecziun da la patria fin oz da surdar il premi.

Il Premi Wakker undrescha da princip vischnancas che mussan prestaziuns spezialas areguard il svilup dal maletg dal vitg ed en connex cun il svilup dals abitadis. Quai èn per exempel la promoziun da la qualidad creativa per edifizis novs, in diever respectus da la substanza architectonica istorica sco er ina planisaziun locala exemplarica che resguarda l'ambient.

www.heimatschutz.ch/wakkerpreis